



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno MCXVIII. ad annum MCLXXIX.

Parisiis, 1644

VIII. Iudex delegatus causam appellatione remota commissam alii non potest committere re. ap.

urn:nbn:de:hbz:466:1-15588

CAP. VI. *Idem Vu. Carnotensi electo.*

De causis quæ intra certum terminum decidendæ committuntur, hoc tuam volumus cognitionem tenere, quod nisi dies ab apostolico præfixus, de communi consensu pro rogetur, eo transacto mandatum expirat. Illi etiam qui pro causis tibi commissis ad citationem tuam venire, aut tuo super his iudicio parere neglexerint, si tale fuerit negotium, quod certa exinde pœna Canonibus exprimat, eam infligas. Alioquin ipsos pro delicti qualitate & causæ, secundum arbitrium tuum punias.

CAP. VII. *Idem Senonensi archiepiscopo.*

Præterea super hoc, quod nos consulere voluisti, vtrum liceat iudici delegato, non ordinario, sine literis citatoriis cogere contumacem vt veniat, aut damnare, si non venerit: hoc tibi præsentium auctoritate innotescat, quod quamuis ei causa licet simpliciter delegetur, satis potest partes auctoritate nostra compellere, & contumaces seueritate ecclesiastica coercere, etiam si literæ commissio- nis id non contineant, aut partes mandatum non habeant vt accedant: quia ex eo quod causa sibi committitur, super his omnibus quæ ad causam ipsam pertinere noscuntur, plenariam recipit potestatem.

CAP. VII. *Idem Vintoniensi episcopo.*

Quamuis simus multiplicitate negotiorum impliciti, & grauib; diuersisq; sollicitudinibus occupati, nos tamen cogit præter commune debitum, tua fraternitas & dilectio, qua personam tuam diligimus, tuis consultationibus respondere, ne videamur indiscussa relinquere, quæ nobis enodanda tua voluit dilectio præsentare. Innotescat itaque sollicitudini tuæ, quod iudex a nobis delegatus causam sibi commissam potest alii vel pluribus delegare, aut totam audiendam & terminandam, aut etiam vt audiant rationes, & allegationes & attestations recipiant, & sententiam sibi seruent, vel vt horum aliquid faciant tantum iuxta voluntatem & beneplacitum delegantis, quamquam non possit eandem causam alii, appellatione postposita delegare: etsi sit tibi, appellatione remota, com-

ANNO
CHRISTI
1179.

missa. Si vero duobus causa committitur, etiam si non apponatur, ut vnus sine altero in ea procedat, nihilo minus vnus ex ipsis, siue suo coniudici, siue alii, vices suas in hac parte committere potest.

Sed quid, si suo coniudici? nūquid ab ipso poterit appellari?

CAP. IX. *Idem eidem in eadem.*

Ceterum si qui ad iudices super aliqua causa ab apostolica sede literas commissorias impetrent aliis iudicibus forte committi, nisi de commissione prioribus facta in literis commissionis, quæ aliis delegantur, mentio fiat, nihilo minus priores iudices in cognitione ac causæ decisione procedere debent, nec secundæ literæ super eadem causa taliter impetratæ, alicuius roboris firmitatem habere possunt. Si vero in secundis literis habeatur mentio de commissione prioribus iudicibus facta, prædicta causa priorum est exempta iudicio, cum eadem non sint tacita veritate impetratæ. Verum si presentibus patribus de ipsarum consensu cuiuslibet causa committitur, & processu temporis, vel etiam continuo, alterutra partium, altera nesciente, causam ipsam tacita veritate de priore commissione facta, impetrauit committi: non immerito is, qui tali dolo & fraude aduersarium cogit laborare, in expensis condemnari debet.

Nisi forte secundum priores sententiam tulerint ante quæ secundæ ad iudices peruenierint.

CAP. X. *Idem eidem in eadem.*

Sententiam a delegato iudice latam, si ad mandatum ipsius iudicis diocesanus episcopus executioni mandare neglexerit: is qui ex delegatione Romani pontificis sententiam tulit, eam executioni mandandi plenam & liberam habet facultatem.

CAP. XI. *Idem Norwicensi episcopo.*

Significasti nobis per literas tuas, quod interdum a iudice delegato frustra super aliqua causa fertur sententia, cum ordinarius iudex eam ad mandatum ipsius nolit executioni mandare, vel aliis resistentibus effectui mancipare non possit. Super hoc autem consultationi tuæ taliter respondemus, quod si ordinarius iudex ad mandatum iudicis a nobis delegati, non vult aut non potest aliis resistentibus sententiam ab eo latam effectui mancipare, delega-